

欽定大清會典圖


欽定大清會典圖卷二百三十八


輿地一百

廣東省全圖

廣州府圖


廣東省全圖一






廣東省全圖二


中 右
一






廣東省全圖三


中南
一






廣東省全圖四

右南
一一






廣東省在


京師西南廣州府為省治兩廣總督廣東巡撫布政司共治焉統府九廳四州五廣州府東惠州府西肇慶府西南赤溪廳陽江廳羅定州高州府雷州府瓊州府廉州府欽州東北佛岡廳潮州府嘉應州南雄州西北韶州府連州連山廳海在省南東與福建漳州府接界西與越南接界北江上流曰湏水出南雄州東北西南流經韶州府治南武水自湖南郴州東南流來會為北江又南匯水東南流注之又東南經廣州府

北又西南經肇慶府東北復經廣州府西分流
支渠為石門水過省治西而南又東為珠江與
正渠並東南流入於海東江自江西贛州府東
南流入界經惠州府東北折西南合新豐水又
經府治北而西會珠江入於海西江上承潯江
自廣西梧州府東流入境經肇慶府西北賈江
自平樂府東注之又經府治南而東至廣州府
西南歧為二並入於海陵水自廣西鬱林州南
流入境經高州府北西南流合鑑江水又西南
入於海廉江自廣西鬱林州西流入境經廉州

府治北。又西南入於海。欽江出廉州府西北。西南流經欽州治西。又西南入於海。建江出瓊州府西南。分流一西北為北門江入於海。一東流為建江。經府治東而北入於海。大河水。上承福建汀州府鄞江南流入境。經潮州府北合清溪水。又東南入於海。東至福建界。西至廣西界。北至江西界。南至海。西北至湖南界。


廣州府圖一






廣州府圖二

北





廣州府為廣東省治至

京師五千四百九十四里。領廳一縣十四。治南海番禺南順德北花縣東南莞新安香山西南佛山廳新會新甯東北從化增城龍門西北三水清遠海在府南東接惠州府歸善縣界為新安縣南境又西為香山新會二縣南境又西接赤溪廳界又西為新甯縣南境又西接陽江廳界西江自肇慶府高要縣緣界東南流經三水縣西南左受思賢濬水又東南經南海縣西南右受滄江又東南經九江墟又經順德縣西南

支津東南出為甘竹灘水。注板沙海。西江又東。南支津東南出為仰船水。歧為二。一為木頭海。亦注板沙海。一經香山縣東橫門入於海。西江又東南過三滙沙歧為二。東支經香山縣西為古鎮海。合荷塘水。支津東南分流夾大鰲沙。左合石歧水。由磨刀門入於海。西支為天河海。經新會縣東北。復分支為荷塘水。為分江水。復合西南流。中樂都水上承鶴山縣之清溪雅瑤水。又合川水。桐水東南流注之。又西南注熊海。又南流入於海。北江一曰湏江。自韶州府英德縣

西南流入界。經清遠縣東北。右納黃洞水。又西南受滢江。江自佛岡廳西南流入界。經縣東黃華水合穩洞水西北流注之。經滢江司南。左納橫江。又西南源潭水出縣東南分流來注之。又西北注北江。北江折西龍潭水上承源潭水大燕水各支津北流注之。又西經縣南三肩海上承大燕水分流自其左注之。又西受濱江。江一作溱水。出縣西北溱源山。東南流。左納新洲墟水。右納鐵坑水。兩村水石門沘水。又經濱江司西左納壩子墟水。又東南注北江。北江

折南山塘水上承迴歧水。涇塘水自其右注之。經三水縣北胥江司西。又南東出支津為蘆包水。蘆包水首受北江水東北流。白泥水自清遠縣南來分流注之。又東南為馬頸海。經三江司西北會三江水。折東歧為二。橫潭水上承花縣之正徑水屋源水黃洞水羅洞水及白泥水支津東南流注之。復合南流。流溪出從化縣東北。合陳崗水溪頭水玉溪秋崗水清溪崗水曲江黎塘水站邊水西南流注之。又為石門水。經南海縣西北分流復合。遇柳魚浦經府治西南。折

東為珠江。疊滘水上承紫洞水。經佛山廳北東。北分流注之。又經府治番禺縣南岐為二。經黃埔。過茭塘司東北復合。東流會東江。夾長洲。過獅子洋。出虎門入於海。北江又西南錯入肇慶府四會縣界。受綏江。復經三水縣西南支津。西南出為思賢濬水。注西江。又東南支津東北出為三江。水又東南經南海縣西支津。南出為橫江水。又東支津東出為紫洞水。又南會橫江水。支津東出為大岸水。折東經順德縣西江村司北。又東經番禺縣南紫洞司北。魚塘海上承紫

洞水大岸水東南流來會為疊石流。支津東南出為板沙海。甘竹灘木頭海並東流注之。又東南流入於海。疊石海又東支津東出入於海。其正渠分三支為沙灣水合東南流入於海。東江自惠州府博羅縣西流經東莞縣東北。瀝林水自惠州府歸善縣來西流支津北出。匯為礮湖水。溢而北來注之。又西右納神湖水。又西南瀝林水西流折北來注之。又西分流環赤碁。汎復合。左納黃屋水。又西分流環黃家山。汎復合。受九江水。水出縣東南合清溪水西北流。分一支。

為永平河西流折南經新安縣西北入於海。正渠北流注東江。東江又西支津西南出。青鶴灣水上承烏泥沅水。神山水左納黃沙水。佛嶺水屈北流注之。經縣北受癸水為到涌水。至篁村水口南浦水上承東江來會。又西南入於海。東江又西經增城縣東南新溪水。碧江並上承增江水。東南流注之。又西南支津西南出為南浦水。又西經增城縣受增江。江出龍門縣東北。二源。東為白沙水。合陳崗水。大沅水南流經縣東南。西為高明水。合英公崗水。蛟子沅水。西林水。

西南流來會。又南左納三崗水。折西南路溪自路溪汎西流來會。因名路溪。又西南右納研村水。牛井連水。高沙水。左納蓼溪。白花潦水。至鰲溪汎。鰲溪西北流來會。又名鰲溪。南流左納大陂水。折西經廟子角司南。永清水合。觀音坳水。石峽水。油田水。東南流注之。又西南經增城縣北。為增江。右納派潭水。澄溪山水。經縣東。又南。右納百花林水。又南左出支津二。一為新溪水。一為碧江水。與正渠並南流注東江。東江又西流左出支津二。一為凰涌水。一為埴涌水。合。

西南流入於海。東江又西綏福水出增城縣西
花山合大浦墟水雲馬山水南流注之。又西分
流環紫泥汎復合。左出支津二。一為中堂濬水
一為清水濬水並南流注凰涌水。又西分流復
合。右納東洲水西洲水。左出支津二。一為私鹽
濬水一為麻涌水合南流入於海。東江折西南
流會北江支津由獅子洋南流入於海。雙橋水
自肇慶府開平縣東流經新甯縣西北南門河
出縣東南北峰山合蠻坡水桂水三合墟水西
北流注之。又東北經新會縣西北蚬蜢水北流

注之。潭江水亦自開平縣南來注之。又東長阮水自深水湖東北流注之。又東分流鶴山縣之老女橋水。梅亭水並南來注之。又東再分。經縣南復合。東南流入熊海。牛角河出新甯縣西南。東流合泥涌河。折南左通潭濠水。又南由三夾海口入於海。那扶水亦在新甯縣西南。南流入於海。西樵山在南海縣西。白雲山在番禺縣北。府東及東北界惠州府。西界肇慶府。北界韶州府。南及東南界海。西北界連州。西南界陽江廳。

欽定大清會典圖卷二百三十九


輿地一百一


韶州府圖

惠州府圖

潮州府圖

韶
州
府
圖





韶州府在省治北八百七十里至

京師四千六百二十四里。領縣六。治曲江。西乳源。南英德。東南翁源。東北仁化。西北樂昌。湏水自南雄州始興縣西流入界。折西南經府治東北。江村汎。錦江出仁化縣東北。合扶溪。恩溪。康溪。浙溪。南流注之。又西折南。靈溪。合雷瑤山水。西北流注之。又西南經府治南。受武水。水自湖南郴州宜章縣南流入界。經樂昌縣西北。小河口汎。武陽水自乳源縣經武陽司。合遼水。穀溪。東北流注之。又東南左納羅渡水。九峰水。經縣南。


又東南長埒水合錫阮水文書崗水屈西南流注之折西南右納里田水又西南楊溪出乳源縣西北合雙江水屈東北流注之又東南經府治西北桂水重陽水並西北流注之又東南注湏水是為北江曲折西南流龍水出乳源縣西南合員子山水湯盤水大布水龍歸墟水東南流注之曹溪合沙溪湓溪西北流注之又南右納宣溪左納石角水牛渡水又南右納牛牯潭水觀音阮水經英德縣北觀音巖折東左納朗姑塘水又南經縣東受翁江江上游曰江鎮水


俗曰太平水。出翁源縣東北山。合油溪南流。左合新橋水。折西經縣北。又折南經縣西。左納時魚阮水。周村水。經英德縣東北。羅江水亦出翁源縣東北山。合南浦水。芙蓉水。橫江。龍仙水。周陂水。馬子灘水。西流來會。是為翁江。又南。曲潭水。西南流注之。又南。羅紋水。自惠州府長甯縣又西南。水自佛岡廳來。納姚田水。合西流注之。又西南注北江。北江又南。右納大滑石山水。左納波羅阮水。過湏陽峽。受匯水。水自連州陽山縣東流入界。經縣西。波羅水。合桂水。五溪南流。

注之。又東南。左納陶江。又東南注北江。北江又
南。左納大樟水。鐵溪。右納黎洞水。過香爐峽。入
廣州府清遠縣界。府東界南雄州。西及西南界
連州。北及西北界湖南郴州。南界廣州府。東南
界佛岡廳惠州府。江西贛州府。東北界江西南
安府。

惠州府圖一


中






惠州府圖二

北





惠州府在省治東三百九十里至

京師五千八百八十四里。領州一縣九。治歸善。東南海豐陸豐。西南博羅。東北河源永安龍川和平。西北連平州長甯。海在府東南。東接潮州府惠來縣界。為陸豐海豐二縣南境。又西為府治歸善縣東南境。又西接廣州府新安縣界。東江源為定南水。自江西贛州府定南廳東南流入界。經和平縣北。右納烏虎水。又東南經龍川縣東北為龍川水。經合河口。渡田河上承贛州府長甯縣鄔鄔水西流注之。折西南受剡溪水。水出和平縣西北羊角山。

合九連山水龍子嶺水東南流。至縣南湯坊水。合和平水。合棟水南流注之。又東南左納九龍。合水注龍川水。龍川水又名合河。經縣治南。又西南右納雷江及合溪。又經河源縣東北為東江。至藍口司。能溪合藍溪西北流注之。曾田水東南流注之。又西南康禾水自永安縣西北流注之。右納雙渡水黃沙水。左納禾溪。經縣東受新豐水。水出長甯縣西北。合梅坑水沙羅水東流經縣南。又東嶽城水南流注之。又東羌坑水合鍋底山水南流注之。又東南密溪合楊梅坪。

水內莞水九嶺水自連平州屈南流注之。大席水亦自連平州西南流注之。又東南忠信水自連平州南流合河源縣二龍岡水西南流注之。又南右納錫場水。又經河源縣西北。左納鯉魚約水。右納石龍頭水。復左納德行屯水。又東南注東江。東江又西南合洞水。石公神水並自永安縣西流注之。又西南秋鄉江出永安縣東合青溪下嵐水。南山水西流注之。又西南田水合公莊水。蘇公水金雞瀝水東南流注之。又經府治東北。左納橫瀝水。又至府治東北受西江。江


出府治東北。合三江水。明溪長塘水西南流。折西北。米塘水合李溪北流注之。又西北注東江。東江又西南橫塘水北流。匯為西湖。又北流注之。又經博羅縣南。又西玳瑁水南流注之。又西。滙林水出縣西南。錯入廣州府東莞縣北。匯為。唾湖。溢而北來注之。又西龍江水西南流注之。又西入廣州府東莞縣界。上沙墟水在陸豐縣東北。東流入潮州府普甯縣界。草洋水鹹水溪並在陸豐縣東。南流入於海。內河水出陸豐縣北。葵頭嶂合深渡水。后溪。吉石溪。石陂水南流。


分二支夾縣治並南流入於海。熱水在海豐縣東北。合長橋水。竹苞水東南流入於海。黃羌水出海豐縣東北。合長沙港水。經縣南入於海。大液水小漠港並在海豐縣西。南流入於海。練溪出龍川縣東北。西南流合通衢司水入嘉應州長樂縣界。北琴江南琴江並出永安縣東南。東流入長樂縣界。羅紋水出長甯縣西北。北流折西入韶州府英德縣界。礮頭水出長甯縣北。西北流入韶州府翁源縣界。羅浮山在博羅縣西北。府東界潮州府。西至南界廣州府。北界江西。

賴州府。東南界海。東北界嘉應州。西北界韶州。

府佛國廳。

潮州府圖





潮州府在省治東一千一百八十五里。至

京師六千六百七十九里。領縣九。治海陽。東南登
海。西南潮陽。揭陽。普甯。惠來。東北饒平。大埔。西
北豐順。海在府東南。東接福建漳州府詔安縣
界。為饒平縣南境。又西南為澄海縣東境。又南
為潮陽惠來二縣東南境。又西南接惠州府陸
豐縣界。大河水上承鄞江。自福建汀州府上杭
縣南流入界。經大埔縣北。東南流。左納龍骨坪
水。漳溪。自汀州府永定縣來。西流注之。又南。小
河水上承清溪。自嘉應州東流來注之。又南。清

遠河上承福建漳州府平和縣之河頭溪東來合塘頭墟水西流注之。又西南經豐順縣東北為溜隍河。受豐溪。溪三源並出豐順縣。中出言嶺關。南出伯公坳。北出北山嶂。合東流注溜隍河。溜隍河經溜隍司。又南。右納九河水。至府治北為韓江。右納松溪。左納登榮都水。又東南。九郎山水上承饒平縣鳳水西南流注之。經治東。又南分三支。東為涸溪。即浚溪。白雲坊水。秋溪。西南流注之。中支為東溪。西支為西溪。白芒洲水合二山水東流注之。又南會北溪。溪上流為

湯阮水。出豐順縣西南。二源合東流經湯阮市。司折南。左納一小水。又西南經揭陽縣西北。右納透內水。折東南經縣北。支津右出為德橋水。為東村水。為太行渡水。為玉澹水。為鸞坡水。並南注南溪。正渠又東經府治南。分流注西溪。西溪。又東南會東溪。又東南經澄海縣北。為橫隴溪。支津西南出為新港。分流入於海。正渠東會浚溪。復分數支。入於海。南溪出揭陽縣西明山。東南流經普甯縣西北。分二支。一支東流經揭陽縣西。合西山水坡頭水。普甯溪德橋水東村。

水大行渡水。玉濬水。鸞坡水。東南流入於海。一支西南流。經晉甯縣西南。上沙墟水。自惠州府陸豐縣東流注之。又東南饒望夫山為寒婆徑水。折東北。經雲落司。又東。右納流沙墟水。東匯為白阮湖。又東。經潮陽縣西。為練江。左右各納數小水。又東。經縣南。入於海。黃岡溪出饒平縣東北。北流折西。左右各納一小水。折南至縣東。桃源水出縣西北。東南流注之。又南。右納飛龍徑水。為大石溪。左納白花洋水。為湯溪。右納待詔山水。又東南。左納小榕水。右納大榕溪。為黃

岡溪。又左納客河水。又東南分二支。並南流經黃岡廳西入於海。古產陂溪出惠來縣東。南流折東經靖海所入於海。東福溪出惠來縣東北。南流分二支。一為光華溪。一為石馬溪。復合西南流。祿昌溪亦出縣西北。分三支。復合東南流。並入神泉港。港上流為龍江溪。亦出縣西北。東南流。荃潭水二源合南流注之。梅林水西南流注之。又東南林招溪東南流來會。是為神泉港。東南流入於海。草洋水出惠來縣西。東南流經縣西南。又折西南入陸豐縣界。府東及東北界。

福建漳州府。西及西北界嘉應州。北界福建汀
州府。南及東南界海。西南界惠州府。


欽定大清會典圖卷二百四十


輿地一百二

肇慶府圖

高州府圖


肇慶府圖一






肇慶府圖二

南





肇慶府在省治西二百九十里至

京師五千四百四十四里。領州一縣十一。治高要。南開平。東南高明鶴山。西南新興恩平陽春。東北四會。北廣甯。西北德慶州。封川。開建。西江。龔江。自廣西梧州府蒼梧縣東流入界。經封川縣西折東南受賀江。江上流曰開江。自廣西平樂府賀縣東南流入界。經開建縣北。忠謹信水。樟村水。昭涌水。合東南流注之。又南右納蓮塘水。經縣西。又南金縷水。合似龍水。黎水。合狼嶺水。並西流注之。又西南右納小玉水。大玉水。都羅

涌水都平街水。又東南經封川縣北。甯洞水合雲塘水。孔生河西南流注之。又南文德水上承黃岡河。古龍水石巖河。清水玉洞河諸水經文德司西流注之。為賀江。又南右納上律水。又西南注西江。西江折南經封川縣西南。蟠龍水自羅定州西甯縣來東北流注之。又南折東。經德慶州西。其南為西甯縣界。左納淶水。經州南。又東。端水合留湫水。東南流注之。其南為羅定州東安縣界。會南江。又東石河合羅陽水。沙河合八仙洞水。都舊水會流為馬墟水。又南流注之。

又東右納大絳水。又東悅城水合靈陵水。車牛水。大田水。南田水。武壟水。棠下水。南流注之。又東北經府治西北。大榕水合小榕水。南流注之。又東都偃水合羅帶水。幌繖頂水。河社水。青黃水。九阡山水。西南流注之。折東南右納隘洞水。左納筍洞水。大湘水。經府治南。受新江水。水上源為唐窩水。出新興縣南。西南流合一小水。折西北。錯入羅定州東安縣界。復東北流。經縣西北。為錦水。蘆溪青溪。思龍水。合北流注之。又北通利水。合沅水。西北流注之。又西北復

錯入東安縣界為新興江。折東復經府治西南。右納示洞水。東北分二支。左納孔洞水。右納新宅水。復合東北流注西江。西江折東北。金雞水。宋崇水合北流注之。又東北左納後瀝水甯塘水。長利水。又東流右納典水。折東南錯入廣州府三水縣界。北納青歧水。東會北江支津之思賢濬水。折南復經府治東南金利墟。古壩水分二支。東注注之。又南西南出支津二。一曰北港水。一曰瀆濬水。並南注滄江。又東經高明縣東南受滄江。江出高要縣西南為鴨徑水。合雲宿

水屏山水東流經高明縣南。又東沙水合石水東北流注之。合北港水。湮濬水。又東南注西江。西江又東南經鶴山縣東。右納古勞小河。又東南入廣州府順德縣界。北江自廣州府三水縣西南流入界。經四會縣東南。受綏江。江一曰懷溪。自廣西梧州府懷集縣東南流入界。經廣甯縣西北。南鄉水合沈建水。烏水及南來一小水東流。折北注之。顧水上流為黃洞水。合扶溪水。下洞水。禾倉水。阮洞水。蒙阮水。西流注之。又東南左納逆洞水。又東南金場水。合馬蘭阮水。鹽


洞水青水桂水東北流注之。右納大良水。經縣南東鄉水合扶留水黃岡水金濁水西南流注之。又東南右納黎洞水。又東南新招水合數小水東北流注之。復左納扶羅水及諸小水。右納白花水及諸小水。又東南經四會縣治南。折東受龍江水。水出廣甯縣東北合數小水東南流。梅崗水亦出縣東北合數小水來會。又東南注綏江。綏江又東南。東阮水合西阮水南流注之。又東南支津西南出為青歧水注西江。正渠東南流注北江。北江折東南仍入廣州府三水縣。


界。漢陽江上流為雲浮水。出陽春縣西北雲浮山。合大塘水。東南流。左納雲霖小水。大水折南。左納那烏水。右納青山水。又南。左納羅鳳水。右納博學水。經縣治北。左納高遼水。北隴河經縣西。又南。左納冠溪。白鳩河。右納石萊水。又東南。受麻陳水。水出縣西南。合羅水。東北流。雙滄水。自東安縣南來。雙龍水。自高州府信宜縣東來。合南流來會。又東。龐洞水。合二小水。南流注之。又東。經縣南。澗水。河。黃縻涌水。並北流注之。又東北。注漢陽江。漢陽江北。受輪水。河。東南流入。

陽江廳界。那吉水出恩平縣西南。南流入陽江。
廳界雙橋水出鶴山縣西北。合一小水南流。經
開平縣東北。北坪江上承雲益水及蠻橋三合。
諸小水西南流來會。又西南經縣南。獨鶴水合
上下灣水西南流注之。折東南左納二小水。右
納一小水。為尖石水。又西南受赤勘汎水。水上
流為錦水。一曰恩平江。出恩平縣西北。曰岑洞
水。合君子河西南流。半亭水滌頭水橫槎水並
北流注之。經縣南折東北流。金雞水北流注之。
潭流水牛岡渡水並東南流注之。又折東南流。

經開平縣南長塘河東北流注之。又東南分流
右納獲冲水注尖石水。尖石水又東南緣廣州
府新甯縣界。又東北左納一小水。又東北牛欄
阮水上承赤水口水。泥冲濬水東南流注之。潭
江上承鶴山縣諸小水。屈南流注之。又東入廣
州府新會縣界。嵐洞水官田水並出鶴山縣東
合南流入廣州府新會縣界。老橋水滸江雅瑤
水亦並出縣東入新會縣界。府東北至南界廣
州府。西界羅定州。北界連州。西北界廣西梧州
府平樂府。西南界高州府。陽江廳。

高州府圖





高州府在省治西南一千六十里至

京師六千五百五十四里。領州一縣五。治茂名。東南電白。西南化州。石城。吳川。東北信宜。海在府南。東接肇慶府。陽江。廳界為電白縣南境。又西為府治南境。又西為吳川縣東南境。又西接雷州府。遂溪縣界。又西為石城縣西南境。又西接廉州府。合浦縣界。陵水自廣西鬱林州北流縣西南流入界。經化州東北。左納石坡水。右納梅林水。天堂嶂水。江背水。寶樹墟水。至州西北受羅水。水二源。一自鬱林州陸川縣來。合馬滙水。

東南流一自北流縣合一小水西南流來會右
納羅裙窩水又東南注陵水陵水折東南左納
交枝水石納石西江官橋墟水文家涌水至州
東北受浮山水水上流為寶江二源東曰東川
水西曰西川水並出信宜縣北合諸小水經縣
南合南流經府治北為寶江又東南雙柘水出
信宜縣東北西南流注之又西南為浮山水又
東南石骨水出府東北南流折西注之又經府
治北屈西南流至化州東北石納冷山水又西
南注陵水陵水又經州東東南流至吳川縣東

北。瓦窰水自化州東南流注之。又東南受鑑江。江上流為望夫水。出電白縣北。西南流合龍珠河水為潭儒河。經府治南。牛裝水東南流注之。又西南注陵水。陵水折西南支。津西北出為木棉江。又西南支。津西南出為那蒙水。又西北右合木棉江水。折西南右納平城江水。又南流左合那蒙水。經縣西。又南入於海。石門港在吳川縣西。與雷州府遂溪縣分界。上承石城縣東橋水東南流。左合山角諸水。又南入於海。石角水一名南濂水。自廣西鬱林州陸川縣西南流

入界。經石城縣北曰溫湯。又南曰龍湖。左納單竹水。又西南曰合江。右納羅繖嶺水。經縣西左納青榕水。右納賀江。又西南入於海。洗米河在石城縣西。接廉州府合浦縣界。官寨港亦在縣西。並南流入於海。暗浦港在縣西南。接雷州府遂溪縣界。西流入於海。儒洞河出電白縣東北。合界頭河南流為五藍河。入於海。大橋河口官橋河口石塔河口東墟水口沙院墟水口並。在電白縣西。雙龍水在信宜縣東。屈東南流入肇慶府陽春縣界。吐珠江出信宜縣東北。合冷水。

東流為雙牀水。折北為石印水。入羅定州界。懷鄉水出信宜縣東北。北流白石堡水合石阡水。西北流注之。石人江。西流注之。又西北響水合燕水。東北流注之。又北為黃華江。入廣西梧州府岑溪縣界。渭龍江出信宜縣北。西北流入廣西梧州府容縣界。府東界陽江廳。西及西北界廣西鬱林州。北界廣西梧州府。南及東南界海。東北界羅定州。肇慶府。西南界雷州府。